


Beibl i Blant
yn cyflwyno

Iesu'n rhoi bwyd
i 5000 o bobl



Awdur: Edward Hughes

Lluniau gan: Janie Forest

addaswyd gan: Ruth Klassen

Cyfieithydd: Catrin Roberts

Cynhyrchwyd gan: Bible for Children
www.M1914.org

©2017 Bible for Children, Inc.

Trwydded: mae gennych hawl i gopio
neu argraffu'r stori hon, ar yr amod
nad ydych yn ei gwerthu.



Roedd llawer o arweinwyr crefyddol
(oedd yn cael eu galw yn Phariseaid)
yn dweud celwydd am Iesu. Roedd


rhai am ei
ladd hyd
yn oed.



Doedden nhw ddim yn credu bod
Iesu yn Fab Duw er ei fod yn dangos
fod hynny'n wir wrth wneud
gwyrthiau.



Un diwrnod, croesodd Iesu i
ochr draw Llyn Galilea. Efallai ei
fod yn chwilio am
dawelwch oherwydd
y tyrfaoedd mawr
oedd yn ei ddilyn.






Onid daeth y bobl o hyd iddo yn
fuan iawn. Roedden nhw'n gwybod
fod Iesu'n gwneud
gwyrthiau mawr.
Roedden nhw am
fod gydag e.




Aeth Iesu â'r disgyblion i benmynydd
unig a dechrau eu dysgu. Daeth
mwy a mwy o bobl ato. Cyn hir
roedd hi'n amser swper.
Mae'n siwr fod

pawb eisiau
bwyd.




Edrychodd Iesu ar y dyrfa a gofyn i Philip, "Ble dyn ni'n mynd i brynu bwyd i bawb?" Doedd dim siop yn agos.




Beth oedd Iesu'n mynd i'w wneud?



"Byddai angen ffortiwn i brynu digon o fwyd i bawb," atebodd Philip. Doedd dim llawer o arian gan Iesu a'i ddisgyblion.






Dywedodd
Andreas, disgybl
arall a brawd
Simon Pedr,
"Mae bachgen
yma sydd â phum
torth haidd a
dau bysgodyn
bach ganddo ..."



"... ond dydy hynny fawr o werth hefo cymaint o bobl." Doedd Andreas ddim yn deall sut allai cinio'r bachgen bach fwydo cymaint o bobl, hyd yn oed os oedd e'n fodlon rhoi ei ginio i Iesu.



Dyweddodd Iesu, "Gwnewch i'r bobl eistedd." Felly eisteddodd y dynion, tua pum mil ohonyn nhw. Meddyliwch!

PUM MIL!

A doedden nhw ddim wedi cyfri'r merched a'r plant oedd yno.



Cymerodd Iesu y torthau
a'r pysgod. Mae'n rhaid
bod y bachgen bach
yn trystio Iesu.

Doedd e ddim yn
gwybod
pam fod
Iesu
angen ei
ginio, ...



... na beth oedd Iesu'n mynd i wneud.
Oedd e'n meddwl "Heb
fy nghinio, bydd
gen i ddim byd i'w
fwyta"? Ond
rhoddodd
y bwyd
i Iesu
beth
bynnag.




Yna, dywedodd Iesu weddi yn diolch
i Dduw. Diolch am bum torth
a dau bysgodyn?
Ie! Diolchodd
Iesu i Dduw
a gofynnodd
iddo
fendithio'r
bwyd.




Ar ôl gweddio, dyma Iesu'n
torri'r bara a'r pysgod
a gofyn i'r disgyblion
rannu'r bwyd. Dyna
pryd sylweddolodd
y bobl fod Iesu wedi
gwneud gwyrth. Dyma
bawb yn bwyta llond eu
boliau. Ond roedd
mwy ar ôl!




Ar ôl i bawb fwyta, roedd bwyd yn weddill. "Casglwch y tameidiau sydd dros ben. Peidiwch gwastraffu dim," dywedodd Iesu wrth y disgyblion.




Dyma nhw'n llenwi deuddeg basged
gyda'r tamediau o'r pum torth
haidd oedd heb eu bwyta.




Y diwrnod hwnnw, rhoddodd Iesu
fwyd i dros 5000 o bobl wrth
ddefnyddio cinio bachgen
bach. Dro arall, rhoddodd
fwyd i dros 4000
o bobl gyda
saith torth
ac ychydig
o bysgod.



Pan welodd y bobl yr arwyddion hyn, doedden nhw ddim yn flin fel y Phariseaid. Roedden nhw'n dweud, "Mae'n rhaid mai hwn ydy'r Proffwyd sydd i ddod i'r byd."



Roedden nhw'n gwybod mai
Iesu oedd yr Achubydd
roedd Duw wedi ei
addo iddyn nhw
yn yr ysgrifau
sanctaidd.



Iesu'n rhoi bwyd i 5000 o bobl

Stori o Air Duw, y Beibl

sydd i'w gweld yn

Ioan 6

"Pan ddatguddir dy air, bydd yn goleuo."

Salm 119:130



Y Diwedd



Mae'r stori hon o'r Beibl yn dysgu ni am ein Duw rhyfeddol. Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.



Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrdd i mewn i'm bywyd.

Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

